



## 春風吹

會記得細漢的時阿媽有共我講過：「未食五日節粽，破裘毋甘放。」彼時大人講的話真正是誠對同。雖然這馬已經四月底，有時閣會淡薄仔燒熱，猶毋過，「春天後母面，欲變一時間。」真正有道理，喝變就變。這站仔出門做工課，有時陣日頭赤炎炎，毋過過晝煞轉寒，無拄好閣會落雨，若無加疊一領外衫，無細膩就會寒著。

誠久進前，我上恰意的季節是秋天，因為會當佇領頸緒領巾，穿彼領我上恰意的衫，揣一个恬靜的所在敢放家己。畫圖嘛好，想代誌嘛好，共家己的心思佇彼段時間內底放予冗。

這幾年，搬來臺北蹓，四季無像蹓佇臺中遐爾仔分明。尤其是這幾冬，猶未感受著秋天的涼，就愛先面對冬天的寒。自按呢，我上恰意的季節就杳杳仔對秋天變做春天矣。

今年過猶未一半，無意中發覺春天的嬌值得人呵咾。凡勢是我看油桐花對天頂落落來，無定著是斑芝的紅予我數念往擺蹓佇臺中的日子，嘛可能是人到一個年歲了後，較勢想著向時的代誌。

人生目一下瞞就過，春天若來就表示又閣加一歲矣！風颶來，共咱講春天已經踏倚囉！愈來愈珍惜身邊的人，我就恰一陣姊妹仔伴約好後禮拜日上山去看風景，順繼去賞油桐花。無定著運氣好，閣會拄著火金姑閃閃爍爍若青紅燈咧表演。這擺是春天的嬌，春天上迷人的所在，春天四界擺有的趣味。

你若問我，春天閣有啥款予咱感覺心適的所在，我干焦會使共恁講，緊對大門行出去，用目調斟酌看，用心思杳杳仔體會。親像小金英嘛是春天才會報到的植物，毋知你敢有佇春天看著小金英的花成一粒球的時，共伊挽落來，出力共歎一下，看伊四界颶颶飛。彼款真嬌的景緻，嘛真好耍呢！遐爾仔嬌，閣遐爾仔緊就飛無去，就親像人生短短，咻一下就過去全款。

人講：「賣茶講茶芳，賣花講花紅。」可能是傷恰意春天的嬌，就按呢我對心肝底，看這個季節啥物擺是好的。你有看著春風閣咧吹無？緊出去感受春天的嬌。

作者：蘇嘉祺

### ☆詞彙學習☆

【對同】tuì-tâng：吻合、恰當。

由發展。

【疊】thàh：添加。

【冗】lǐng：鬆、寬。

【緒】hâ：繫上、圍上。

【杳杳仔】tâuh-tâuh-á：慢慢地。

【敢放】tháu-pàng：解放。解除束縛，使自

【向時】hiàng-sî：從前、昔日。